



पाट – 8

हटटोंग

गोँडी कोयतोर पल्लोने वडकन टप्पिते हटटोंग वाद्स पूचे मायलेनुंग उमचरे कीस पुंज वेहन्ना पुंदन्ना । गिर्दय—गिर्दय अक्कल—बुद्ध तुन कोळो कीस वेहन्ना तयहता सुतुर आंद । मानेय बूतो कीसोर अवके मालेते उत्स पल्लोंग—वडक्सोर कवसोर गिर्दा ते उवाटता पल्लो ते अक्कल बाजेह कीन्तोर । अन अपूना हेरे—गूरेता बट गुट्टा—पिटटे पुरुड पेन हानंलता गियान पूना पीढी तून वेहचोर करीहचोर दान्तोर । इद पाट ते माट कर्रियकट— कोयतोरी गोँडी वडकन टप्पी सरको—सरको, हड्क—हड्क लेंग, कसुमले तेदर अन हटटोंग पूचे—पूचे मायला वसर । गोक बरसर आड लेंग कोयतोर लेंग, तुन सीने मायहर । हतलह—मुतलह टप्पिनुंग पड़हे कियला अन कोट्टना ता गोक अक्कल ते उदसोर दायर ।

1. लोप्पा—लोप्पा तिनमा,
दादन वेहचीकान —

2. उचुहनोर पेकाल,
राजान संग उद्स तिन्तोर ।



3. ठाली तासयता पडेका,
पडेका तासयता पेय्या ।
4. हुड्डीलोर पेकाल
कड़स—कड़स दायतोर ।
5. नडुम—नडुम मण्डा,
रन्ड वडकेंग टोन्डा ।
6. दडिया मेन्ड रूपयान्नुंग,
लक पर्नह आयो ।
7. दोड बूमता लैया वाता,
कोकोहने पीला एतिता ।
8. वर्रोड़ पेकाल कडिहच—कडिहच,
गेतिल हुत्तयतोर ।
9. पूयले पुंगार तुन,
कोय्य पर्नह आयो ।

पड़हे कियहना डगुर :—पाट तुन पड़हे कियन पहर गुरुजी हड्क—हड्क लेंग ते पड़हे कीसोर हनीर। पड़हे कियनंगपीलंग मर्रियसोर हनिंग। पड़हे कियना—असली सूल ते जमह कीस पड़हे कीला पेकिह—पेकोर कुन वेहीर। अड़चेन—अड़चेन टप्पिना अरेतिनुंग टप्पिंग जोड़े किया कर्हीर। पड़हे कियनंग पीलंग कोड़ही आयवह गिरदा केवीर।

जवाब— 1. महचुम तोर 2. वीस 3. कोरर, मेंज, पीसे

4. हुज्ज 5. हत्ती(एनी) 6. मिडकौंग

7. जन्दरंग 8. डोल्ना 9. बेरा, पोड्दूद।

टप्पिना अरेत् —

उमचोह — आचन्ना, बन्नेतातुन वेहन्ना, समजेमास वेहन्ना।

गोच्चुरु, उवटता— गोचुरता पोल्लो।

बान्जेह — पल्लो हवक्ना, रंद हवक्ना।

मंडा — सम्मले, बरोबर, दरबार।

कुंडा — जीवा होड़हना, हाले जीवातुन तासान्ना (अड़काते रेहच दूर्नाना)।

दड़िया — थारी, बटकी।

जवान अन कर्ियना

1. इव मूँड टप्पिनुंग पिस्ले डेराते निहट- टोणडा, मण्डा, कुण्डा |

1. मानेय हातेक.....होड़हयतोर |

2. कुमोड.....बरहय आयता |

3. पेनकडा तुन.....इंतोर |

2. जोड़ कटलेनुंग मीलह कीस कोटट -

1. कड़स-कड़स हनवाल — ठाली |

2. कड़िहच-कड़िहच हुतवाल — डोल्ंा |

3. वेस कियना पुंगार्झ — हुज्ज |

4. पड़ेका तासन्ना — बेरा / पोड़द |

3. अडीय हुच्चुक कतंग हीले आतग्ग, अवेन हूड़स टप्पिंग पंडट-

(पर्नह आयो, सेत कियाना, राजन संग उदन्ना)

4. गोँडी ते कोटलेनुंग हिन्दी ते समजे मास्ट-

1. अकल तह बेहरा बातय आयो |

2. बेरालेवा जियेमाया पर्हहो |

3. हत्ती सबले बेहरा जानवर आंद |

4. मिड़कोनुंग लक पर्नह आयो |

5. गोक् बरस्हना-

1. इदानंगे हट्टोंग पड़कट अन कक्षा केंजहाट ।
2. पीटोंग पड़ुक्स कक्षा वेहाट ।
3. आपुना मन्त्रे इदनंगे पाटंग, पीटोंग, हट्टोंग रच्ये कीम्ट ।

